

Արտահետ

ISSN 2579-2571

Մանկական քրիստոնեական ամսագիր

6+

6/2021

**ՄԱՐԴ ԷՎ ԱՍՏՎԱԾ
ՀԻՍՈՒՄ ԲՐԻՍՏՈՍԸ**

Էջ 3

**ՃԵՄԱՐՏՈՒԹՅԱՆ
ԱՐԵՎԸ**


Էջ 8

**ԻՆՉԷ
ՍՈՒՐԲ ԾՆՈՒՆԴԸ**

Էջ 18



ՀԻՍՈՒՄ ՔՐԻՍՏՈՍ



- Անունը. Հիսուս (նշանակությունը՝ «Յահվեն փրկում է»)
- Տիտղոսները և այլ անունները. Քրիստոս, Մեսիա, Աստծո Որդի, Մարդու Որդի, Փրկիչ, Էմմանուել, Գառ
- Ծննդյան տարեթիվը. մոտ Մ.թ.ա. 4 թ.
- Ծննդյան քաղաքը. Բեթղեհեմ
- Մահվան տարեթիվը. Մոտ 30թ.
- Մահվան քաղաքը. Երուսաղեմ
- Ազգությունը. Հրեա Հուդայի ցեղից
- Ծնողները. Աստված և Մարիամ
- Հոգեհայրը. Հովսեփ
- Խորթ եղբայրներն ու քույրերը. Հակոբոս, Հովսիա, Սիմոն, Հուդա և երկու քույր
- Մասնագիտությունը. հյուան և ուսուցիչ (ուսրբի)



Հիսուսի կյանքը


- Հիսուսը ծնվել է մոտ Մ.թ.ա. 4 թվականին՝ ավելի քան 2000 տարի առաջ: Նա ծնվել է Բեթղեհեմում, Մարիամի և Հովսեփի ընտանիքում: Հովսեփը Նրա հայրը չէր: Աստված այնպես էր արել, որ Մարիամը հղիանար: Միայն այդպես Աստծո Որդին կարող էր այս աշխարհում ծնվել որպես Մարդ: Աստված դարձավ Մարդ:
- Երբ Հիսուսը դեռ ջատ փոքր էր, Հերովդես թագավորը փորձում էր Նրան սպանել: Մարիամն ու Հովսեփը փախան Եգիպտոս: Այնտեղ նրանք ապրեցին մի քանի տարի, այնուհետ վերադարձան Իսրայել և ապրեցին Նազարեթում:
- Երբ Հիսուսը 12 տարեկան էր, Նա ծնողների հետ գնաց Երուսաղեմ: Սուրբ Գրքի՝ Նրա զարմանալի գիտելիքները նկատեցին հուդայական ուսուցիչները:
- 30 տարեկանում Հիսուսը սկսեց Իր եռամյա ճամփորդությունը Իսրայելով: Նա սովորեցնում էր մարդկանց, նրանց պատմում, թե ինչպիսին է Աստված, և կոչ էր անում վստահելու Իրեն՝ որպես Աստծո Որդի: Որպես ապացույց, որ Իրեն ուղարկել էր Աստված, Հիսուսը հրաշքներ էր գործում:
- Նրան ուղեկցում էին աշակերտները՝ տղամարդիկ և կանայք, նրանցից տասներկուսը Նրա մտերիմ ընկերներն էին:
- Շատ հուդայական ուսուցիչներ, դպիրներ ու փարիսեցիներ չէին հավատում Հիսուսին և ուզում էին սպանել Նրան:
- Հիսուսը մահացավ խաչի վրա բոլոր մարդկանց մեղքերի համար, իսկ երրորդ օրը հարություն առավ:
- Իր հարությունից 40 օր անց Հիսուսը վերադարձավ Իր Երկնավոր Հոր մոտ: Այնտեղ նա նստած է գահին՝ Աստծո աջ կողմում: Մի օր նա հրեշտակների հետ կրկին կգա երկիր:



Հետաքրքիր փաստ. Քրիստոսը Հիսուսի ազգանունը չէ, այլ ևս մեկ անուն, որը նշանակում է «թագավոր»:

ԻՆՉ ԷՐ ՀԻՍՈՒԲՄ ԱՍՈՒԲ ԻՐ ՄԱՍԻՆ

Վաղենար Յորն



Աշխարհում ոչ ոք չի կարող համեմատվել Հիսուս Քրիստոսի հետ: Ոչ ոք մարդկության վրա այնքան մեծ ազդեցություն չի գործել, որքան Նա: Հիսուսի մասին բազմաթիվ գրքեր են գրվել: Նրա մասին քարոզում են, պատմում, ֆիլմեր նկարում, գիտական հոդվածներ գրում:


Ուրեմն ո՞վ է Նա: Եթե մենք ցանկանում ենք որևէ մեկի մասին ինչ-որ հավաստի բան իմանալ, ապա ամենաճիշտը հենց իրեն հարցնելն է, ճիշտ չէ՞: Դրա համար լավ է իմանալ, թե Հիսուսն ինչ է ասել Իր մասին: Նրա խոսքերը գրված են Ավետարաններում: Նրա բոլոր ասածները ես չեմ կարող քեզ փոխանցել, ժամանակը չի բավականացնի, բայց մի քանի կարևոր մեջբերում, ամեն դեպքում, կներկայացնեմ:

«Ապա Հիսուսը դարձյալ խոսեց նրանց հետ՝ ասելով. «Ես եմ աշխարհի լույսը. նա, որ ինձ կհետևի, խավարի մեջ չպիտի քայլի, այլ կյանքի լույսը պիտի ունենա»»:

Երբ Նրան շրջապատած մարդիկ սկսեցին զայրանալ, Նա շարունակեց. «Ես եմ, որ Իմ մասին վկայում եմ, և Հայրը, որն ինձ ուղարկեց, վկայում է Իմ մասին»: Սակայն նրանք չէին դադարում զայրանալ:

«Եվ Նա ասաց նրանց. «Դուք ներքևից եք, ես վերևից եմ. դուք այս աշխարհից եք, ես այս աշխարհից չեմ: Դրա համար ես ձեզ ասացի, որ դուք ձեր մեղքերի մեջ պիտի մեռնեք, որովհետև եթե չհավատաք, որ ես եմ, ձեր մեղքերի մեջ կմեռնեք»: Նրանք էլ ասացին Նրան «Դու ո՞վ ես»: Հիսուսն ասաց նրանց. «Այն նույնը, որ սկզբից ձեզ ասացի»»:

Հիսուսը նրանց տեղեկացրեց, որ ինքն Աստված է: Հրեաները չհավատացին Նրան: Այդ ժամանակ Հիսուսն ասաց, որ անձամբ հայր Աբրահամը՝ Իսրայելի ժողովրդի նախահայրը, տեսել է Հիսուսին և



Ի՞նչ ես կարծում.

1. Ի՞նչ անունով էր Հիսուսն անվանում Իրեն:
2. Ի՞նչ է նշանակում «Ես եմ» անունը:
3. Ինչո՞ւ է կարևոր հավատալ, որ Հիսուս Քրիստոսն Աստծո Որդին է, և որ Ինքն ու Հայրը մեկ են:

ուրախացել Նրա համար: Հիսուսին հակաճառեցին և ասացին, որ Աբրահամը վաղուց է մահացել. ինչպե՞ս կարող է Հիսուսը նման բան ասել: Հիսուսը նրանց պատասխանեց. «Ճշմարիտ, Ճշմարիտ եմ ասում ձեզ. Աբրահամի լինելուց առաջ ես եմ»:

Իսկ «ԵՍ ԵՄ»-ը Աստծո՞ւ երկնքի ու երկրի Արարչի անունն է: Հիսուսն Իրեն շրջապատող մարդկանց ասաց, որ Ինքն ու Հայրը մեկ են: Հիսուս Քրիստոսին հավատացողը հավիտենական կյանք ունի և չի դատապարտվի: Հիսուս Քրիստոսին մերժողը Ա՛ստծուց կմերժվի, Ա՛յր անհավատության համար հավիտենական պատիժ կկրի:

Ամեն մարդ ինքը պետք է որոշում կայացնի. հավատա՞լ Իրեն, թե՞ ոչ, ասաց Հիսուսը: Եվ այդ որոշումից է կախված լինելու, թե որտեղ է մարդն անցկացնելու հավիտենությունը. երկնքում՝ Իր հետ, թե՞ դժոխքում:

Այն, ինչ Հիսուսն ասել է, դու կարող ես գտնել Ավետարաններում: Օրինակ՝ Հովհաննեսի Ավետարանի ութերորդ գլխում:

ԱՍՏԾՈ ՈՐԴԻ ԵՎ ՄԱՐԴ ՀԻՍՈՒՄ ՔՐԻՍՏՈՍԸ

Վաղեմար Ցորն

Ինչո՞վ է քրիստոնեությունը տարբերվում մյուս կրոններից, օրինակ՝ բուդդայականությունից և մահմեդականությունից: Բոլոր մյուս կրոնների հիմնադիրները մահացել են: Նրանց գերեզմանները սրբության նման պաշտում են այդ կրոնների հետևորդները: Իսկ քրիստոնեությունը, որի հիմնադիրը Հիսուս Քրիստոսն է, այլ է: Ինչո՞ւ: Որովհետև Քրիստոսը մահացել է (մենք գիտենք, որ Նա մահացել է բոլոր մարդկանց մեղքերի համար), բայց Նա նաև հարություն է առել:

Նա ողջ է և ապրում է ոչ միայն Երկնքում, որտեղ Նա «Երկնավոր Հոր աջ կողմում է», այլև բոլոր նրանց սրտերում, ովքեր հավատում են Իրեն: Չէ՞ որ Աստվածաշնչում գրված է. «Իսկ ով Քրիստոսի Հոգին չունի, նա Նրանը չէ»: Այսինքն այդպիսի մարդը չի կարող իրեն համարել քրիստոնյա:

Դու կհարցնես. «Բայց Հիսուսը մարդ էր, չէ՞: Նա ինչպե՞ս կարող է լինել Աստված և Մարդ՝ միաժամանակ»: Լավ հարց է: Դու արդեն առիթ ունեցել՞ ես լսելու, թե եկեղեցում ինչպես են բոլորը միասին բարձրաձայն կարդում Հավատքի հանգանակը: Ուրեմն այսպես, առաքյալներն ու առաջին քրիստոնյաները հավատում էին, որ Հիսուսը եկել է Երկնքից և իրական Աստված է և որ Նա ծնվել է Մարիամից ու դարձել իսկական Մարդ: Մեկը մյուսին չի հակասում: Նրա ծնունդը մենք տոնում ենք առանձնահատուկ հանդիսավորությամբ, տոնն այդպես էլ կոչվում է «Սուրբ Ծնունդ»:

Ավետարանները պատմում են, որ Հիսուսը, ինչպես և բոլոր մարդիկ, հոգնում էր, քնում, քաղց և ծարավ էր զգում, տառապում էր և... մահացավ: Բայց Նա, ի տարբերություն մարդկանց, անմեղ էր, քանի որ Աստծո Որդին էր: Այդ պատճառով էլ Հիսուս Քրիստոսի մահը զոհ է մեզ՝ բոլորիս համար: Հիսուսն Իրեն մահվան մատնեց՝ Իր վրա վերցնելով մեր մեղքերի պատիժը: Եվ Աստված ընդունեց այդ զոհը՝ մեռելներից հարություն տալով Հիսուսին:

Անգիր սովորիր Հավատքի հանգանակը: Դա բոլորովին բարդ չէ: Հայրիկն ու մայրիկը կամ պապիկն ու տատիկը կօգնեն քեզ: Իմանալով հավատքի այդ խորհուրդը՝ դու կիմանաս բոլոր գլխավոր բաները, որոնցով քրիստոնեությունը տարբերվում է աշխարհի բոլոր կրոններից և որոնք մեզ համար ամենակարևորն են կյանքում:



ՃՇՄԱՐՏՈՒԹՅԱՆ ԱՐԵՎԸ

Օլեսյա Իսահակ

Կարծում եմ, դու արդեն լսել ես, որ Արևը մեծ աստղ է:
Բայց դու գիտե՞իր, որ այն կարևոր է Երկրի վրա կյանքի համար:

Արևի լույսը կյանք է պարզևում բնությանը: Եվ որքան շատ է լույսը, այնքան շատ էներգիա են ստանում բույսերը, կենդանիները և մարդիկ: Աշնանն ու ձմռանը, երբ արևը շատ ցածր է և շատ քիչ ջերմություն է տալիս, բնությունը քնում է: Ծառերը տերևաթափ են լինում, շատ բույսեր թոշնում են, իսկ որոշ կենդանիներ ողջ ձմեռ քուն են մտնում (օրինակ՝ արջերն ու գորշուկները): Եվ նույնիսկ մարդիկ ձմռանը ավելի քիչ էներգիա են ունենում:

Դու երբևէ նկատե՞լ ես, թե ինչով են իրարից տարբերվում նախաձաշներն ու ընթրիքները ձմռանը և ամռանը: Հուշում. նայի՛ր պատուհանից:



Ամենահեռավոր Հյուսիսում նույնիսկ ամռանը շատ քիչ է արևի լույսը: Այդ պատճառով էլ այնտեղ գրեթե անհնար է բույսեր հանդիպել և միայն շատ քիչ կենդանիներ կարող են գոյատևել նման պայմաններում:

Սակայն ձմռանը հաջորդում է գարունը և շուրջն ամեն բան փոխում: Բնությունն արթնանում է, ծառերը բողբոջում են, ծաղիկներ են հայտնվում և արթնանում է կենդանական աշխարհը: Այդ ամենը՝ շնորհիվ արևի լույսի, որն էներգիա է հաղորդում շրջապատող ողջ բնությանը: Որպեսզի մարդիկ կարողանան գոյատևել, նրանց սնունդ է անհրաժեշտ: Իսկ բույսերի սնունդը էներգիան է, որը ստանում են արևից:

Եթե որևէ սենյակային բույս մի քանի օր թաքցրնես մութ վայրում, այն կսկսի թոշնել: Բայց, եթե այն նորից դնես արևի տակ, կրկին կարթնանա ու կծաղկի:





Արևի էներգիան այնքան զորեղ է, որ ոչ միայն ջերմություն է տալիս Երկրին, դրանով իսկ փոխելով եղանակը, և «սնունդ» բույսերին, այլև ազդում է մեր օրգանիզմի վրա: Արևի ճառագայթների ազդեցության ներքո ձևավորվում է վիտամին D, որն անհրաժեշտ է ոսկրերի առողջ աճի համար: Այս վիտամինի պակասը կարող է պատճառ դառնալ ոսկրերի հաճախակի կոտրվածքների և մշտական հոգնածության: Վիտամին D-ն ազդում է նույնիսկ մեր տրամադրության վրա: Ոմանք այն անվանում են «արևի վիտամին»:

Իսկ դու գիտե՞ս, թե Աստվածաշունչն Ում է անվանում Ճշմարտության Արև: Հիսուս Քրիստոսին: Նա զարմանալի զորության է տիրապետում: Երկրում եղած ժամանակ Նա անհնարինն էր գործում. բժշկում էր հիվանդներին, տեսողություն էր պարզևում կույրերին, հարություն էր տալիս մահացածներին և հանդարտեցնում էր փոթորիկը: Սակայն ամենամեծ բանը, որ Նա արեց մարդկանց համար, այն էր, որ Նա մահացավ մեր մեղքերի համար և հարություն առավ մեռելներից, մեզ պարզեց մեղքերի ներում և հավիտենական կյանք: Նրանց, ովքեր հավատում են Իրեն, Հիսուսը տալիս է անհնարինն անելու ուժ. ներել նրանց, ովքեր նեղացնում են մեզ, սիրել թշնամիներին, բարիք գործել բոլորի համար և չարի փոխարեն երբեք չարիք չհատուցել: Հենց դա է Հիսուս Քրիստոսի ուժը մեզանում, որը հազարավոր արևներից պայծառ է շողում:

Իսկ դու ունե՞ս այդ ուժը, որը քեզ օգնում է անել անհնարինը: Վերջին ժամանակներս Հիսուսը քեզ ի՞նչ է օգնել անել:

Աղոթք

Հիսու՛ս, շնորհակալություն, որ Դու Քո զորավոր ձեռքով պահում ես ամեն բան երկրի վրա: Ծնորհակալություն, որ Դու հաղթել ես մահվանը, որ մեզ հավիտենական կյանք ես պարզեցել: Ծնորհակալ եմ, որ նաև ինձ ես ուժ տալիս, որ բարիք գործեմ և հաղթեմ մեղքին իմ կյանքում: Ծնորհակալ եմ, որ անհնարինը հնարավոր ես դարձնում:

ԴՈՐԻՆ ԵՎ ՆԵՄՈՆ

Անդի Ֆետ



Այս տարի Անտոնի և Էոնայի երազանքը կարող է կատարվել: Նրանք կունենան իրենց սեփական ակվարիումը: Վերջապես հնարավոր կլինի Դորիին և Նեմոյին հետևել ոչ միայն Էկրանից, այլև իրականում:

Սուրբ Ծնունդից մեկ շաբաթ առաջ Անտոնն ու Էոնան հայրիկի հետ ուղևորվեցին կենդանիների խանութ: Նրանք ուզում էին այնտեղից դուրս գալ գնումների մեծ տուփով: Եղբայր ու քույր անհամբերությունից վառվում էին: Բայց վաճառողը հարկ համարեց համոզվել. արդյո՞ք նրանք բարի մտադրություններ ունեն:

– Ձեր երեխաներն իրո՞ք ուզում են զբաղվել ակվարիստիկայով, – հարցրեց նա, – դուք հասկանո՞ւմ եք, որ ծովային ակվարիումը պահանջում է որոշ գիտելիքներ ու կարողություններ և մշտական խնամքի կարիք ունի: Դուք կարո՞ղ եք դա վստահել ձեր երեխաներին: Եվ դա բավականին թանկ հաճույք է: Ծովային ակվարիումը պետք է տեխնիկապես լավ հագեցած լինի:

Անտոնն ու Էոնան անհանգիստ իրար նայեցին, բայց հայրիկը վստահ պատասխանեց.

– Մենք լավ ենք մտածել այդ մասին: Սկսնակների համար հաստատ կան ավելի պարզ ակվարիումներ: Բացի այդ, ես նրանց օգնելու եմ: Բայց ես վստահ եմ, որ իմ երեխաները այդ խնդիրը հաջողությամբ կլուծեն:

Կես ժամ անց բոլոր անհրաժեշտ պարագաները դրամարկղի մոտ էին. 250 լիտրանոց ակվարիում, լուսավորություն, ջեռուցում, ներքին ու արտաքին ֆիլտրեր, փրփրազտիչ, ստորջրյա բույսեր, ձկների կեր, մի խոսքով՝ այն ամենը, ինչ անհրաժեշտ է ծովային ակվարիումի համար:

– Հիմա պետք են միայն ձկնիկները, – բացականչեց Անտոնը:

– Եվ ջուրը, – ավելացրեց քույրիկը:

– Ուրեմն, առա՞ջ, ձեզ համար նոր սենյակակիցներ ընտրեք: Յուրաքանչյուրդ կարող է ընտրել

երեքական ձկնիկ: Բայց նրանց կարող ենք տուն տանել միայն այն ժամանակ, երբ տեղադրենք ակվարիումը:

Անտոնն իր համար ընտրեց 3 դեղին զոլավոր լըթո, իսկ Էոնան՝ վեց բժանի շրթնաձուկ: Դորի ձկնիկը՝ երկնագույն վիրաբույժը և Նեմոն՝ ձուկ ծաղրածուն, իհարկե, արդեն սպասվել էին:

– Դրանցից խանութ են բերելու մյուս տարի, – տեղեկացրեց վաճառողը:


– Դուք կարող եք նրանց ցանկանալ որպես ձեր ծննդյան օրվա նվեր, – փորձեց երեխաներին սրտապնդել հայրիկը:

Տանը ընտանիքին հեշտ գործ չէր սպասում: Անտոնն ու Էոնան սկսեցին աստիճանաբար հասկանալ, թե որքան բարդ բան է ծովային ակվարիումը: Ձկներին գոյատևման համար հարկավոր է ջրում ուղիղ 3.5% աղի պարունակություն: Ջրի ջերմաստիճանը պետք է լինի ոչ պակաս, քան 24 աստիճանը և ոչ ավել, քան 28 աստիճանը: Եվ ջուրը անդադար պետք է զտիչով մաքրվի:

Ձկնիկներին նրանք կարողացան տուն տանել միայն դեկտեմբերի 23-ին: Լավ է, գոնե Սուրբ Ծնունդին հասցրեցին: Սակայն տոներից երկու օր անց Էոնան հետևյալ գրառումն արեց օրագրում.

«Ես այնքան տխուր եմ: Ես ամեն օր հետևում եմ ձկներին: Միացնում եմ ուլտրամանուշակագույն լամպը, կերակրում եմ նրանց: Հայրիկը միշտ ստուգում է ջուրն ու նրանց վիտամիններ տալիս: Մենք այնքան բան ենք անում: Բայց այնքան տխուր եմ, որ գրեթե չեմ տեսնում ձկնիկներին: Հենց ես մոտենում եմ ակվարիումին, նրանք բոլորը խուճապահար թաքնվում են քարերի և բույսերի հետևում:





Հայրիկից ու Անտոնից ևս թաքնվում են: Նրանք վախենում են մեզանից: Բայց ինչու՞: Նրանք երբևէ մեզ կվստահե՞ն»:

Հունվարին եռնան նորից գնաց կենդանիների խանութ: Հետաքրքիր է, արդեն հնարավոր է գնել Դորի և Նեմո: Նա մեծ հույս ուներ: Խանութի դուռն անտառից հանդիպեց հարևան Էթենին:

– Բարև, եռնա՛: Ի՞նչ ես անում այստեղ:

Եռնան անմիջապես նրան պատմեց ձկնիկների և իր հիասթափության մասին:

– Ուզում էի իմանալ, արդեն ստացե՞լ են ձուկ ծաղրածու և երկնագույն վիրաբույժ: Տոներից առաջ դրանք սպառվել էին: Հույս ունեմ, նրանք այնքան վախկոտ չեն լինի, որքան այն ձկնիկները, որ մենք ստացել ենք Սուրբ Ծնունդին, – ասաց եռնան, հրաժեշտ տվեց ու մտավ խանութ:

Մեկ րոպե անց նա դուրս եկավ: Աղջիկը խիստ սրտնեղած էր: Էթենը կանգնած էր մեքենայի մոտ:

– Դե ի՞նչ: Չկա՞ն քո ձկնիկները:

– Չէ: Եվ ոչինչ հնարավոր չէ անել: Միայն մի քանի շաբաթ հետո են բերելու: Ես կարող եմ նրանց ցանկանալ միայն ծննդյանս օրը՝ մարտի վերջին: Մեր ձկները շատ վախկոտ են: Թեև ես օրը երեք անգամ հանում եմ ակվարիումի կափարիչը, որ կերակրեմ նրանց, նրանք իրենց այնպես են պահում, ասես ես իրենց անընդհատ տանջում եմ: Ինչու՞ նրանք չեն հասկանում, որ ես հոգ եմ տանում իրենց մասին:

– Այո, եռնա՛, – պատասխանեց Էթենը, – նրանք քեզ չեն հասկանում: Քո բարի մտադրությունները նրանք ընկալում են որպես սարսափելի հարձակում: Քո ձկնիկների համար դու «վերին էակ» ես: Դու նրանց համար ոչ միայն չափազանց մեծ ես, այլև, ներողություն բառերիս համար, անծանոթ հրեշ, որից նրանք շատ են վախենում: Նրանց համար ինչ-որ լավ բան անելու քո բոլոր ջանքերը նրանք ընկալում են որպես սպառնալիք: Դա փոխելու համար դու պետք է անես այն, ինչ արեց Աստված Սուրբ Ծնունդին:

– Իսկ Նա ի՞նչ արեց, – եռնան հարցական հայացքով նայեց Էթենին՝ կնճռոտելով ձակատը:

– Մարդկանց և Աստծո հարաբերությունները նման են քո և ձկների հարաբերությանը:

– Ի՞նչ է դա նշանակում, – դեռ չէր հասկանում եռնան:

– Եթե ուզում ես քո ձկնիկները քեզ հասկանան, դու ստիպված ես այլ կերպար ընդունել: Դառնալ իրենցից մեկը: Դառնալ ձուկ: Հենց դա արեց Աստված մեզ համար Հիսուս Քրիստոսի անձի մեջ: Նա, իհարկե, չմտավ «ակվարիում», բայց Նրան տեղավորեցին կենդանիների կերամանի մեջ: Դա այն է, ինչ մենք նշում ենք Սուրբ Ծնունդին. Աստված մանուկ դարձավ մեզ համար: Նա դարձավ այնպիսին, ինչպիսին մենք ենք: Եթե մարդը կարողանար ձուկ դառնալ, դա դեռ ոչինչ կլիներ նրա համեմատ, որ մեծ Աստված անօգնական մանուկ դարձավ: Նա այս աշխարհ եկավ փոքրիկ, անպաշտպան և թույլ: Նա մոտեցավ մարդկանց: Դա մարդկանց փրկության Աստծո ծրագիրն էր: Նա դարձավ մեզ նման, որ մենք կարողանայինք վստահել իրեն:

Այդ երեկո Անտոնի և եռնայի տան դուռն օդանոց ինչ-որ մեկը տվեց: Ծեմքին կանգնած էր Էթենը՝ ձեռքին մի տոպրակ:

– Գիտե՞ք, ես գնացել էի հարևան քաղաք: Այն մոտ է, իսկ մինչ մարտ ամիսը դեռ շատ ժամանակ կա: Ես մտածեցի, որ կարող եմ ձեզ ուրախություն պարգևել, եթե հանկարծ այնտեղ գտնեմ այն, ինչ չկա մեր կենդանիների խանութում:

Նրա ձեռքին ջրով լի թափանցիկ տոպրակ էր: Զրույթ լողում էին կապույտ ու նարնջագույն ինչ-որ բաներ:

- Դորին ու Նեմո՞ն, – հիացմունքով բացականչեց Էռնան, – նայի՛ր, նրանք մեզանից չեն փախչում:
- Այս տոպրակում նրանք հեռու փախչել չեն կարող, – քթի տակ ծիծաղեց Անտոնը:



ՍՈՒՐԲՆՆԵՅԱՆ

ՎԻԿՏՈՐԻՆԱ

Օլեսյա Իսահակ

Անցիր Հիսուս Քրիստոսի կյանքի փաստերի լաբիրինթոսով: Պատասխանիր «Ճիշտ է» կամ «սխալ է»: Ստուգիր գիտելիքներդ և իմացիր ինչ-որ նոր բան:



ՄԱԻՋԲ

1. Հիսուսի մոր անունը Մարիամ էր:

Մարիամը Հիսուսի մայրն էր:

Ճիշտ է

Սխալ է

2. Հիսուսը Բենիամինի ցեղից էր:

Ճիշտ է

Սխալ է

Կրկին փորձիր:

Հիսուսը, իր մայրն ու հոգեհայրը Հուդայի ցեղից էին:

3. Հիսուսի հոգեհոր անունը Մաթթևոս էր:

Ճիշտ է

Սխալ է

Հիսուսի երկրավոր հոր անունը Հովսեփ էր:

4. Հիսուսը ծնվել է ազգահամարի ժամանակ:

Ճիշտ է

Սխալ է

Կրկին փորձիր:

Մարիամն ու Հովսեփը ուղևորվեցին Բեթղեհեմ՝ ազգահամարին մասնակցելու: Հիսուսը ծնվեց այնտեղ:

5. Նորածին Հիսուսին այցի եկան հովիվները

Ճիշտ է

Սխալ է

Լսելով Հիսուսի ծնվելու մասին լուրը՝ հովիվները շտապեցին Բեթղեհեմ՝ Նրան խոնարհվելու:



տրվեց 6/21

6. Հրեշտակները հայտնվեցին մոգերին և պատմեցին, որ Հիսուսն է ծնվել:



Հրեշտակները հայտնվեցին հովիվներին: Մոգերը տեսան աստղը ու հասկացան, որ դա հենց այն աստղն է, որը նշանակում է, որ ծնվել է մեծ Թագավորը:

7. Մինչ Հիսուսի մոտ գնալը՝ մոգերը մտան թագավորի պալատ:

Մոգերը չգիտեին՝ ուր գնալ, այդ պատճառով մտան արքայի պալատ, որ հարցնեին, թե որտեղ է ծնվել մեծ Թագավորը:



8. Մոգերը Հիսուսին նվեր էին բերել ոսկի, նարդոս և զնուռ:

Մոգերը բերել էին ոսկի, կնդրուկ և զնուռ: Կնդրուկը ծառերի խեժ է, որն այրելու դեպքում հաճելի բույր է արձակում:



9. Հիսուսի ծնվելուց հետո Մարիամը, Հովսեփը և Փոքրիկն ուղևորվեցին հանգստի՝ դեպի Եգիպտոս:

Մարիամը, Հովսեփն ու Հիսուսը Եգիպտոս փախան Հերովդես թագավորի հետապնդումներից, որն ուզում էր սպանել Հիսուսին:



10. Հիսուսը պատանի էր, երբ հայտնվեց Երուսաղեմի տաճարում և սկսեց շփվել դպիրների հետ:

Հիսուսը 12 տարեկան էր: Նա Երուսաղեմ էր գնացել ծնողների հետ՝ Չատկի տոնին:



ԱՄՏԿԱԾԱԾԱՆՑՅԱՆ ՏՈՒՆԱԾԱՌ

Ք.ա. 4 թ.



Սողոմոն
1 Մն. 3.5



Ք.ա. 760 թ.

Եզեկիա
4 Թագ. 16.20



Բոոս (Հոուրթ)
Հն. 2-4 զլ.



Դավիթ
Հն. 4.17



Ք.ա. 1010 թ.

Հակոբ
Ծնն. 25-35



Ք.ա. 1900 թ.



Իսահակ
(Ռեբեկա)
Ծնն. 17.19, 21.3



Ք.ա. 2100 թ.



Եոյ
Ծնն. 5-9



Մոսէ
Ծնն. 5.32

Աբրահամ (Սարա)
Ծնն. 17 և 22



Սեթ
Ծնն. 4.25-26



Ք.ա. 3800 թ.



Ադամ ու Եվա
Ծնն. 1 և 2

Արարում

Ի՞ՆՉ Է ՍՈՒԿԲ ՇՆՈՒՆԳԸ

Անդի Ֆետ

Սուրբ Ծնունդը շատ մոտ է: Եվ հենց դրա մասին է մեր պատմությունը: Հատուկ ուշադրություն դարձրո՛ւ դռանը: Չէ՞ որ այդ օրը շատերը մոռանում են տոնի նշանակությունը:



– Էթյե՛ն, – այնքան բարձր բացականչեց Մատցեն, որ նրա հարևանը, չնայած միացրած փոշեկուլին, լսեց նրան, – Էթյե՛ն, ինձ շտապ քո օգնությունն է պետք: Ես կարո՞ղ եմ պարտքով վերցնել քո շնիկին՝ Բլինչիկին:

– Եվ ինչու՞, – տարակուսանքով հարցրեց պատանին՝ անջատելով փոշեկուլը, որով մաքրում էր իր մեքենան:

Մի փոքր շտապողականությամբ տղան բա-

ցատրեց իրավիճակը.

– Մեր դպրոցում լավագույն լուսանկարի մրցույթ է: Այն դասարանը, որը լավագույն կերպով կներկայացնի Սուրբ ծննդյան իմաստը, կստանա նոր համակարգիչ:

– Իսկ իմ Բլինչիկը ձեր ինչի՞ն է պետք, – դեռ ոչինչ չէր հասկանում Էթյենը:

– Դե մենք մտածեցինք, որ նա իր սպիտակ ու փափուկ մորթով գառնուկի կարող է փոխարի-



նել: Կարելի՞ է ես թեզ հետո ամեն ինչ բացատրեն: Մենք պետք է շտապենք: Մեկ ժամից լուսանկարները պետք է հանձնենք:

Էթենը հագիվ էր հասցրել գլխով անել, երբ Մատցեն խլեց շնիկին և վազեց: Տղան բառացիորեն թռչում էր դարձի բակով: Վախեցած Բլինչիկին նա թաքցրել էր ուսապարկում: Դասարանցիներն արդեն սպասում էին նրան: Դասարանի մեջտեղում արդեն դրված էր մսուրը: Շուրջը չոր խոտ էր փռված, փոքրիկ աթոռակի վրա մի հին ու փոշոտ լամպ էր դրված, իսկ պատին փոցխ էր հենած: Երեխաներն արդեն զգեստափոխվել էին: Նրանց մեջ ճանաչելի էին Մարիամը, Հովսեփն ու հովիվները:

Դեկորացիաները հաջողված էին: Թվում էր, թե իրոք Բեթղեհեմում ես:

– Հիմա տնօրենն իսկապես կարող է ասել, որ 6 «Ա» դասարանում ասես խոզանոց սարքած լինեն, – ծիծաղեց Քահնը, – հատկապես, եթե կենդանիներ էլ բերենք այստեղ:

– Բայց Բլինչիկը շատ խելոք է, – առարկեց Մատցեն, հանեց շնիկին ուսապարկից ու դրեց խոտերին:

Պատրիկը հաճույթով հանեց իր լիովին նոր ֆոտոխցիկը:

– Ուշադրություն, – բարձր ասաց նա, – հիմա թռչնակը կթռչի:

Բայց այդ պահին Բերտայի գլխում ևս մի միտք ծագեց.

– Ստո՛պ, – բացականչեց նա, – դեռ մի բան պակասում է: Իսկ ի՞նչ կլինի եթե մենք ճագարների դուռը հանենք ու բերենք այստեղ: Այն փոքրիկ պատուհան ու ճաղեր ունի: Կարելի է այնպես լուսանկարել, կարծես ինչ-որ մեկը պատուհանից նայում է մսուր:

– Հրաշալի միտք է: Միայն պետք է շտապենք:

Տղաներից երկուսն անմիջապես վազեցին դարձի կողմնակայանից, որտեղ դրված էին ճագարների վանդակները: Հանելով թեթև դուռը՝ աստիճաններով բարձրացրին դասարան:

Եվ ահա, բոլորը պատրաստ են: Մատցեն փորձում էր տեղում պահել Բլինչիկին, Տոբին ու Բերտան պահել էին դուռը, որ չընկներ: Իսկ Լիզան բռնել էր աթոռը, որի վրա կանգնել էր Պատրիկը՝ փորձելով լուսանկարել դուռն ուսամուտից:

– Ա՛յ սա ընտիր է: Ամեն բան ասես իրական լինի ու ես իրոք պատուհանից նայում եմ մսուր: Մյուս դասարանները հաստատ նման հրաշալի միտք չեն ունեցել, – Պատրիկը երեք լուսանկար նկարեց, – երեք րոպե մնաց: Մատցե՛, վերցրո՛ւ՝ հիշողության քարտը և արագ վազի՛ր ուսուցչանոց:

Հենց Մատցեն դուրս եկավ դռնից, շունը վազեց նրա հետևից: Բերտան սարսափահար պտղտվեց, հավասարակշռությունը կորցնելով, և ձեռքից

բաց թողեց դուռը: Դուռը դղրդյունով ընկավ մսուրի վրա, լամպը դրա հետևից թռավ: Ապակին ջարդուփշուր եղավ, իսկ չոր խոտը վերև թռավ: Բարեբախտաբար ոչ ոք չտուժեց:

– Հիմա սա աղբակույտի է նման, ոչ թե սուրբ-ծննդյան մսուրի, – ասաց Պատրիկը, – լավ է, որ լուսանկարներն արդեն արել ենք:

– Եվ որ լամպը չէր վառվում, – թեթևացած շունչ քաշեց Բերտան, – և որ Բլինչիկը մսուրի մոտ չէր նստած, թե չէ հիմա նա լրիվ տրորված ու տափակ կլիներ, ինչպես իսկական նրբաբլիթը:

Մի փոքր անց Մատցեն, Բերտան և Տոբին շնիկին վերադարձրեցին իր տիրոջը:

– Դե ի՞նչ, լուսանկարիչներ, մրցանակ չա-
հեցի՞ք, – հարցրեց Էթենը, երբ երեխաները մտան ավտոտնակ:

– Հաստատ չէ, – ասաց Մատցեն:

– Բայց Բլինչիկը մեղք չունի, – ավելացրեց Տոբին:

– Ընդհանրապես, ես եմ մեղավոր ամեն ինչում, – եզրափակեց Բերտան:

– Չէ՛... Պատրիկն է մեղավոր, – առարկեց Մատցեն:

– Բայց դուան հետ կապված այդ հիմար միտքն իմն էր, չէ՞, – մեղավոր ավելացրեց Բերտան:

– Ամեն ինչ ապարդյուն էր...

– Վերջը ի՞նչ է պատահել:

Բլինչիկը թռավ Էթենի գիրկը: Իսկ Մատցեն գլխիկոր սկսեց բացատրել.

– Ամեն ինչ մեր ծրագրածի պես չընթացավ: Ես մտա ուսուցչանոց և տնօրենին տվեցի լուսանկարներով հիշողության քարտը: Նա դրանք ներթեոնեց համակարգչի մեջ ու ասաց, որ մենք հազիվ հասցրեցինք, մյուսները վաղուց պատրաստ են: Նա էկրանին բացեց նկարները, և ես տեսաձիս չհավատացի: Բոլոր նկարները ոչ հստակ ու լրդված էին: Մնացած ամբողջը, ինչի վրա մենք այդքան ջանք էինք թափել, գրեթե չէր երևում: Կարելի էր միայն ենթադրել, թե ինչ է այնտեղ պատկերված: Փոխարենը նկարներում հստակ երևում են դուռն ու Բերտայի ձեռքը: Պատրիկն այնքան էլ լավ չի կարողանում օգտվել նոր ֆոտոխցիկից: Իսկ մրցույթի թեման էր. «Ի՞նչ է Սուրբ Ծնունդը»:

– Դրա համար էլ մենք չզնացինք համարպրոցական ժողովին ու մրցանակաբաշխությանը: Եվ պետք էր Բլինչիկին քեզ վերադարձնել:

– Արձակուրդների անհաջող սկիզբ... – հոգոց հանեց Տոբին:

Հանկարծ ավտոտնակ մտավ Մատցեի մայրիկը:

– Իսկ դուք ի՞նչ եք անում այստեղ: Ինչու՞ դպրոցում չեք: Տնօրենը զանգել ու ասում էր, որ շտապ վերադառնաք դպրոց: Եվ ինչ-որ դուան մասին էր ասում...

– Ես կտանեմ ձեզ, – ասաց Էթենը:

Նա արդեն տասնութ տարեկան էր և կարող էր մեքենա վարել: Երեխաները տեղավորվեցին հետևի նստարանին: Դպրոցի ճանապարհին դասից փախած երեխաները նյարդայնացած քննարկում էին, թե ինչ կարող էր պատահել:

– Երևի երեխաները չեն կարողացել բոլոր ձագարներին հետ տեղավորել վանդակի մեջ:





Այ, թե կորած ենք... Եվ դա դեռ Սուրբ Ծննդյան նախաշեմին:

– Կամ էլ դուրս է կտրվել... – անհանգրստացած ասաց Մատեն:

– Այդ ամենն իմ մեղքով էր. – հոգոց հանեց Բերտան, – հիմա ինչպե՞ս դուրս գանք այս ամենից: Ի՞նչ կլինի, եթե մայրիկն իմանա... Ի՞նչ անենք:

– Եկեք աղոթենք: Աստված լսում է մեզ, չէ՞, ու հաստատ կօգնի, – առաջարկեց Էթենը, – սիրելի՛ Հայր, Դու գիտես, թե ինչ վիճակում են հիմա երեխաները: Եվ Դու տեսնում ես, որ նրանք վատ մտադրություններ չեն ունեցել: Հրա՛ջք գործիր, որ ամեն բան լավ լինի և կարողանանք հանգիստ

տոնել Սուրբ Ծնունդը: Հիսուս Քրիստոսի անունով: Ամեն:

Հենց այդ պահին նրանք մտան դպրոցի բակ: Դահլիճ մտնելով՝ երեխաները տեսան իրենց ողջ դասարանին: Սյուների հետևից մի ձայն հնչեց.

– Ահա, թե որտեղ եք: Արագ բե՛մ բարձրացեք: Ճի՛շտ է, որ դուրս հետ կապված միտքը ձերն է եղել:

Բերտան սկսեց դողալ ու կծկվեց: Դա իր գաղափարն էր: Ինքն էր առաջարկել, որ դուռը հանեին տեղից: Հիմա ինքը կանգնած էր ողջ դպրոցի առաջ: Տնօրենը բռնեց նրա ձեռքն ու տարավ դեպի բեմը:

– Շնորհավորում ենք: Ձեր դասարանը շահել

է գլխավոր մրցանակը՝ համակարգիչը: Ձեր լուսանկարն ամենակատարյալն էր:


Մեծ էկրանին հայտնվեց նրանց լուսանկարը: Գրեթե ոչինչ չէր երևում՝ բացի դռնից:

– Մենք ցանկանում ենք բացատրել, թե ինչու ենք ընտրել այս լուսանկարը: Ի՞նչ է Սուրբ Ծնունդը: Դա մտորը, չոր խոտն ու ծղոտը չէ: Դա հովիվներն ու մոզերը չեն: Սուրբ Ծնունդը դուր է: Աստված բացել է մեզ համար դուռը: Հիսուսի անձի միջոցով Լա իջել է երկիր մեզ՝ մարդկանց

մոտ: Իսկ մնացած ամեն բան անիմաստ է: Սովորողների մեծամասնությունը մոռացել էր գլխավորը: Մյուս նկարներում երևում են մտորը, Մարիամն ու Հովսեփը, մոզերը, հրեշտակներն ու գառները: Իսկ այ հաղթողների նկարում այդ ամենը երկրորդական է: Այդ ամենը դժվար է ձանաչել: Տեսնում եք: Միակ բանը, որ հստակ պատկերված է՝ դուրն է ու ձեռքը, որը բացում է այն:

– Դա իմ ձեռքն է, – կամացուկ ասաց Բերտան՝ թեթևության արցունքներն աչքերին:





– Ո՛չ, դա ասես Աստծո ձեռքն է: Նա մեզ համար դուռ է բացել: Նա մարդ է դարձել, որ ների այն ամենն, ինչ մենք արել ենք և իր վրա վերցնի այդ ամենը, – ասաց տնօրենը, պտտվեց դասարանին և աչքով արեց: Այդպես 6 «Ա» դասարանը հաղթեց մրցույթում:



ՍՏԵՂԾԱԳՈՐԾԱԿԱՆ ԷԶ

Մեր ընթերցողները կհավել են իրենց ստեղծագործություններով:
Գուցե դու ցանկանաս անգիր սովորել այս բանաստեղծություններից
մեկը և արտասանել այն եկեղեցում:

ՍՈՒՐԲ ԾՆՆԴՅԱՆ ԳԻՇԵՐԸ

Ծննդյան գիշերն եկավ աննկատ,
Ողջ Բեթղեհեմը քնած էր խաղաղ,
Փոքրիկ աստղերի ցլոթերը պայծառ,
Ասես մի բան էին լուռ հուշում մարդկանց:

Բայց ի՞նչ էր պատահել այդ գիշեր,
Որ տպավորվել էր սրտերում հավետ,
Ի՞նչ էին հրեշտակները երգում երկնքից
Մեղքերի մեջ թաղված այս հին աշխարհին:

Այն գիշեր Մեսիան էր ծնվել այս երկրում,
Եվ լույս էր բերել աշխարհին ցավի ու տառապանքի,
Եվ հոչակում էր խումբը հրեշտակների,
Լավագույն լուրը բոլոր լուրերից:

Ո՛վ մարդիկ, եկե՛ք դեպ Հիսուս մանուկ
Նա կարող է մեղքերը սրտերից մաքրել,
Ո՛վ մարդիկ, զղջացե՛ք ու հավատացե՛ք,
Որ Ծննդյան գիշերը բացեք սրտի դռները:

Իրինա Լեսովոյ, 13 տ., Մոլդովա

ՕՎՍԱՆՆԱ՛ ԱՍՏԾՈՒՆ

Օվսաննա՛ Աստծուն, օվսաննա՛,
Որ Իր Որդուն է մեզ պարգևել Նա,
Օվսաննա՛, Աստծուն, օվսաննա՛,
Փա՛րք Նրան Քրիստոսի համար:

Այնտեղ եղևնի ու նվեր չկար,
Այնտեղ Նվեր էր երկնքից տրված,
Օվսաննա՛ Աստծուն, օվսաննա՛,
Աստծո Որդին ծնվել է բոլորիս համար:

Յանա Կովիլյակ, 10 տ., Մոլդովա

Բեթղեհեմում Սուրբ Ծնունդ է,
Ողջ աշխարհում ուրախ տոն է,
Մեզ համար ծնվել է արքայից Արքան,
Ողջ օրը Նրան երգում ենք մենք «վա՛րք»:

Բենիամին Կոզուր, 7 տ., Մոլդովա



Ծննդյան տոնին Հիսուս Քրիստոսի,
Փառք ենք տալիս Աստծուն ցնծում,
Նա մեզ սիրում է, պահպանում.
Հոգին խաղաղությամբ լցնում:
Իր անասելի մեծ սիրո համար,
Կյանքի պարգևի, հավատի համար,
Մենք գոհանում ենք, գովերգում Նրան,
Պիտ փառաբանենք երգով անդադար,
Նվերներ բերենք Նրան անհամար,
Այս հրաշալի օրը ծննդյան,
Չէ՞ որ Հիսուսն է կյանքը հավիտյան:

Վալենտինա Կոզուր, 10 տ., Մոլդովա

Հիսուս Քրիստոս,
Որքան շատ բան կա այս մեկ անվան մեջ,
Որքան մաքրություն, բարություն ու սեր,
Նա խաչի վրա այնքան ցավ տարավ,
Տառապանք կրելով ինձ ու քեզ համար:
Նա բժշկում է մեզ, փրկություն շնորհում,
Բայց որքան դառնության է Աստված դիմանում,
Բայց մեզ խղճում է ու չի կործանում,
Միայն, որովհետև մեզ շատ է սիրում:
Խաչից հոսում էր արյունն Իր անմեղ,
Որն ազդարարում էր.
Աստված է լոկ սեր,
Աստված է լոկ սեր:

Յուլիա Օսիտնյաժսկայա, 11 տ., Ռուսաստան

Թարգմանեց Թամարա Լամբրիանովան

Իմացիր ինչ

Յուլիա Արդուվախիդլա

Այն բույսի անունը, որի մասին ես ուզում եմ պատմել քեզ, հաճախ հիշատակվում է Աստվածաշնչում: Նրա մասին շատ է գրված Հին և Նոր Կտակարաններում:

Այս բույսից պատրաստվում են անհավանական շատ բազմատեսակ կերակրատեսակներ, անուշեղեններ և ըմպելիքներ: Վստահ եմ, որ դու շատ ես փորձել դրանք: Այն նաև պատկերում են նկարների, քանդակների, մետաղադրամների, շքանշանների և զինանշանների վրա: Այս բույսն աճեցնում են ողջ աշխարհում, բոլոր այն երկրներում, որտեղ շատ տաք կլիմա է:

Սա միակ բույսն է, որի ուսումնասիրությանը զբաղվում է առանձին գիտություն՝ ամպելոգրաֆիան: Լատիներեն նրա անվանումն արտասանվում է որպես «vinifera»:

Այս բույսն իրենից ներկայացնում է թուփ, որից ողկույզներով կախվում են համեղ հատապտուղները: Թուփը կոչվում է որթ կամ վազ: Վազի երկարությունը կարող է հասնել 30-40 մետրի: Ճիշտ խնամքի դեպքում այն կարող է աճել ու պտղաբերել մինչև 150 տարի: Սլովենիայում մինչ օրս աճում է դրանցից ամենահինը:

Վազն ավարտվում է բեղիկներով, որոնք դանդաղ պտտվում են՝ երկու ժամում մի պտույտ կատարելով: Ճյուղը ևս պտտվում է, բայց շատ ավելի դանդաղ՝ 4 ժամում: Բեղիկները կառչում են հենարանից, փաթաթվում են դրան և ոլորվում: Դրանք շատ ամուր են: Բեղիկների օգնությամբ վազը կարող է պատի վրայով շատ վեր բարձրանալ՝ ընդունելով այն իրերի ձևը, որոնք որպես հենարան են ծառայում իրեն:

Այս բույսի տեսակների թիվն անհաշվելի է, քանի որ անընդհատ նորանոր տեսակներ են ստեղծվում, և բոլորն էլ իրարից տարբերվում են չափերով, համով և գույնով: Աշխարհում արդեն հաշվվում է այս բույսի ավելի քան 10 հազար տեսակ: Այդ թիվը գերազանցում է նույնիսկ խնձորի տեսակների թիվը, որն այդ ցուցանիշով առաջատարներից մեկն է: Այս բույսի պտուղների բոլոր տեսակները բաժանվում են 4 խմբի. սպիտակ, կարմիր, սև և վարդագույն:

Սովորաբար այս բույսի պտուղներում լինում է մեկից չորս կորիզ, թեև կան տեսակներ, որոնք ընդհանրապես կորիզ չունեն: Այդպիսի տեսակներն աճեցվում են հատուկ եղանակով:

Այս բույսի ոչ միայն պտուղներն են օգտակար, այլև տերևները: Դրանք դնում են բաց վերքերի և կտրվածքների վրա, որպեսզի կանգնեցնեն արյունը: Տերևներից նաև եփուկներ և թուրմեր են պատրաստում, որոնք օգնում են բուժել տարբեր հիվանդություններ:

Հույս ունեն, որ դու արդեն հասկացել ես, թե ինչի մասին է խոսքը: Եթե ոչ, ապա հաջորդ հարցերն անկասկած կօգնեն քեզ, որ կրահես:

Հիշում ես, թե Նոյն ինչ տնկեց ջրհեղեղից հետո (Ծնն. 9.20):


Իսկ ի՞նչ բերեցին լրտեսները, երբ առաջին անգամ գնացել էին հետախուզման ավետյաց երկիր (Թվ. 13.24-25):

Իսկ հիշում ես, թե Հիսուսն ինչ անվանեց Իրեն, երբ խոսում էր աշակերտների ու Իր մասին (Հովհ. 15.1):

Իհարկե, դա շատ համեղ և օգտակար խաղողն է:

ԻՄ՝ ՆՎԵՐԸ ՀԻՍՈՒՍԻՆՆ


Նկարի՛ր կամ գրի՛ր, թե դու ինչ կցանկանայիր նվիրել Հիսուսին՝ Իր ծննդյան օրը: Նրան թանկարժեք նվերներ պետք չեն: Դա պետք է լինի ինչ-որ հասարակ, բայց Իր համար շատ կարևոր մի բան. ժամանակ Իր հետ (աղոթել ամեն առավոտ և երեկո), օգնել մայրիկին լվանալ ավսենները կամ միշտ բարի լինել համադասարանցիների հետ:



ստիճան քսել ստիճան քսել ստիճան քսել ստիճան քսել ստիճան քսել ստիճան քսել ստիճան քսել

Միրով՝ _____
(այստեղ գրի՛ր անունդ)

Փաթեթավորի՛ր նվերդ. գունավոր թղթից կամ նվերի տուփից կտրի՛ր մեծ ուղղանկյան չափով մի կտոր: Ուղղանկյան վերևի շերտին ստիճան քսի՛ր և թուղթը ստանձի՛ր այնպես, որ կարողանաս բացել այն: Չարդարի՛ր այն ժապավենով կամ վարդակապով:




ՄԱՆՈՒԿ ԷԻՍՈՒՄԸ



Ա. Տարյան, Գրեթեմատոր

տրված է 6/21

ՍՈՒՐԲՇՆՆԴՅԱՆ ԽԱԶԲԱՌ



Կազմեց Անահիտ Սարգսյանը

1. Տաճարներ պատրաստող արծաթագործի անունը: /Գործ. Ան. 19.24
2. Ո՞ր քաղաքում էր դիվահարը պատմում Քրիստոսի մասին: /Մարկ. 5.20
3. Ո՞ւր ուղարկեց Տերը Սավուղին: /Գործ. Ան.22.10
4. Երեկոյան ո՞ւմ բերեցին Հիսուսի մոտ՝ բժշկության: /Մատթ. 8.16
5. Ո՞վ էր զաբուղոնացի Ելոնը: /Դատ. 12.11
6. Ի՞նչ տվեցին Հիսուսին հավաքված մարդիկ: /Մատթ. 22.19
7. Եվ Տիրոջ ----- Անգե՛ն սասց... /Անգե 1.13
8. Տիրոջ շնորհքն ու ողորմությունը գտած մարգարե: /Դան. 1.9



«ՀԼԻՅՍ ԱՐԵՎԵԼԵՐՈՒՄ» Բարեգործական հասարակական կազմակերպություն: Մանկական թրիստոնեական ամսագիր: Լույս է տեսնում տարեկան 6 անգամ:

Ռուսերեն ամսագիրը հրատարակվում է 1990թ. - ից: Այն հրատարակվում է ռուսերեն, ուկրաիներեն, գերմաներեն, դազախերեն, ղրղզերեն, բուլղարերեն, ռումիներեն և վրացերեն: 2018թ. - ից՝ նաև հայերեն:

Տպագրվում է կամավոր նվիրատվությունների միջոցով, բաժանվում է անվճար:

Գլխավոր խմբագիր՝ Վալդեմար Յորն

<այլակաև ամսագրի գլխավոր խմբագիր՝ Նինա Կոստանյան Ամսագրի աշխատակազմ՝ Անահիտ Սարգսյան, Թամարա Լամբրիանովա Արփինե Մինասյան

Ամսագրին կարող եք բաժանորդագրվել և ուղարկել նամակներ և նյութեր «Արահետ» ամսագրի խմբագրություն՝ հետևյալ էլ. հասցեով E-Mail. arahetarm@yandex.ru <եռ. +374 98 38 51 38

Էջ 10-13. ©«Neih Wachten» © CLV Christliche Literatur-Verbreitung, Bielefeld, 2016

Էջ 18-23. ©«Neih Wachten» © CLV Christliche Literatur-Verbreitung, Bielefeld, 2016

Էջ 26-27. Լուսանկարը՝ © Sven Wilhelm / unsplash.com

Ռուսերենից թարգմանեց Թամարա Լամբրիանովան

<ամակարգչային ձևավորումը՝ Դավիթ Հարությունյանի

Կազմի լուսանկարում՝ Նելլի Մուրադյան

Կրտսեր և միջին տարիքի դպրոցական երեխաների համար

Աստվածաշնչյան մեջբերումները վերցված են «ԱՐԱՐԱՏ» և «ԴԵՏ» թարգմանություններից:

© «Լույս Արևելքում», 2021թ.

www.lio.ru/tropinka



Միրելի՛ ընկեր,
անհամբերությամբ սպասում ենք Մուրբ Ծննդյան թեմայով քո նկարներին: Լավագույնները կդառնան շնորհավորական բացիկներ: Նկարները կարող ես ուղարկել մեր էլեկտրոնային հասցեին:



Մարիա Հովսեփյան 9տ., ք. Վանաձոր



Լիլի Մաշկարյան 12տ., ք. Վանաձոր

Պատասխաններ

Էջ 2. Հիսուս Քրիստոս:

Էջ 14. 1. ճիշտ է, 2. Սխալ է, 3. Սխալ է, 4. ճիշտ է, 5. ճիշտ է, 6. Սխալ է, 7. ճիշտ է, 8. Սխալ է, 9. ճիշտ է, 10. ճիշտ է:

Էջ 30. 1. Դեմետրիոս, 2. Դեկապոլիս, 3. Դամասկոս, 4. Դիվահար, 5. Դատավոր, 6. Դահեկան, 7. Դեսպան, 8. Դանիել:

ՇՆՈՐՀԱՎՈՐ ՍՈՒՐԵ ԾՆՈՒՆԳ



Սերյոժա Մալցև, 8 տ., Ռուսաստան



Վալենտինա Կոզլով, 10 տ., Մոլդովա



Ելենա Բոլկովա, 10 տ., Մոլդովա




Նաստյա Շիրևա, 12 տ., Ռուսաստան



Էլիզավետա Սլաբայա, 8 տ., Մոլդովա



Իրինա Լեսովայա, 13 տ., Մոլդովա



Բենիամին Կոզլով, 7 տ., Մոլդովա



Նիկիտա Տոպալա, Մոլդովա,



Տատյանա Կոզլով, 10 տ., Մոլդովա



Ալեքսանդր Գաուրյակ, 9 տ., Մոլդովա




Անահիտ Գյուլազյան
12տ., ք. Սպիտակ




Թավիֆա Գրիգորեց, 10 տ.,
Մոլդովա,



Յանա Կովիլյակ, 10 տ.,
Մոլդովա



Անգելինա Բատիր, 11 տ.,
Մոլդովա



Նատալյա Ջլատովչեննայա, Մոլդովա